



Rhodolphus sua fortitudine & in rebus agendis dexteritate apud Boios magnum sibi nomen comparauit. Itaque Ludouicus rex eum limitis Aquilonaris Boiariæ ducem constituit, atque Germanorum ditionem contra Moruos & Bohemos fortiter tueri iussit. Id quod ipse gnauiter perfecit. Nam in Bohemiam ingressus, cuncta ferro & igne repleuit, atque Bohemos imperata face re coegit. Cum autē Bohemi, Morui, & finitimæ gentes expeditionem in Boios molirentur, Rhodolphus ad omnem euentum intentus erat.